

MySENI 2014 platform ke peringkat antarabangsa Serlah bakat pelukis muda

Oleh **NORMAIRAH JAMALUDDIN**

kota@utusangroup.com.my

KUALA LUMPUR 31 Ogos - Pertandingan melukis MySENI 2014 anjuran Universiti Institut Seni Reka Kreatif atau De Institute of Creative Arts & Design (ICAD) merupakan platform bagi generasi muda menyerlahkan bakat seni mereka selain mampu menyumbang kepada pertumbuhan ekonomi negara.

Datuk Bandar Kuala Lumpur, **Datuk Seri Ahmad Phesal Talib**, berkata, secara tidak langsung pertandingan seumpama itu turut menyerlahkan bakat-bakat muda Malaysia ke peringkat antarabangsa.

“Kita melihat mereka yang mempunyai bakat dalam seni lukisan mampu pergi jauh kerana tidak semua memiliki bakat seperti ini.

“Diharap generasi muda yang mempunyai bakat-bakat seni tertentu tonjolkan kebolehan mereka

dan gunakan ia dengan sebaiknya-baiknya,” katanya.

Beliau berkata demikian ketika berucap dalam Majlis Penyampaian Anugerah Pertandingan Melukis MySENI 2014 di sini semalam.

Yang turut hadir, Pengarah UCSI yang juga Pengerusi Majlis Rekabentuk Malaysia, Prof. Datuk Dr.

Ahmad Zainuddin.

Sementara itu, **Dr. Ahmad** berkata, pertandingan tersebut merupakan komitmen antara UCSI dan ICAD untuk memberikan daya saing global kepada para pejuang seni dalam kalangan generasi muda kini.

“Derasiswa pendidikan ICAD juga diberikan kepada pemenang dan peserta bagi memberi peluang kepada mereka untuk melanjutkan pelajaran dalam bidang seni yang diminati,” katanya.

Dalam majlis tersebut, tiga pemenang utama pertandingan tersebut membawa pulang dermasiswa ICAD bernilai RM5,000 beserta sijil dan wang tunai berjumlah RM1,000, RM500 dan RM300 setiap seorang.

Pemenang hadiah sagu hati pula menerima wang tunai berjumlah RM100 dan sijil.

Selain daripada itu, peserta pertandingan juga berpeluang menjadi antara yang terawal untuk memohon 10 biasiswa Tabung Amanah UCSI bernilai sehingga RM400,000 bagi program di bawah ICAD.

Antaranya, Sarjana Muda Seni Kreatif (kepujian), Reka Bentuk Animasi 3D dan Sarjana Muda Sastera Reka Bentuk Fesyen dan Pemasaan.



AHMAD Phesal Talib (empat dari kiri, belakang) bersama Dr. Ahmad Zainuddin (lima dari kiri, belakang) bersama para pemenang dalam Majlis Penyampaian Anugerah Pertandingan Melukis MySENI 2014 di Kuala Lumpur, semalam.